

四庫全書

史部

欽定四庫全書

平定兩金川方略卷一百二十三

八月己亥阿桂豐昇額海蘭察額森特奏言勒烏
圍碉寨高堅其南為轉經樓又過甲爾日礮橋而
南為科布曲山腿與官寨互為犄角卡寨鱗櫛聯
絡接應前阻大河後負高礮對河扎烏古阿爾古
一帶之鎗砲既能隔山救援而其後高礮層層均
有卡柵碉座備禦甚嚴臣等自歷至勒烏圍之上

分兵攻繞用大砲轟推并挈柵橫截而下以斷其
後路並令冷角寺一帶官兵由西北合轟官寨沿
河向南挈柵以截賊人水路但賊奮合力抗拒鎗
砲倍為緊密且高礮陡峭兵力難施因又令官兵
砍伐樹枝作為柴捆攬牌并將口袋裝盛沙土令
官兵匍匐地上頭頂柴捆土袋以手推轉而行一
至礮沿層層堆起趕運木植連起三層高柵以擊
礮下之賊並於地道中運往砲位轟擊從礮下挖

溝抗拒之賊共計高礮八層均被官軍連日逐步
搶佔僅餘高礮一層小礮三層節次攻奪礮卡又
殲賊無數至甲爾日礮橋臣等排列大砲轟推漸
多塌卸復於楚兵內募得善於泅水者令其潛由
水底縛巨索於橋柱之上合力扯拽是橋亦經坍
損自佔據第八層高礮而下復即令額爾特岱森
保等督率官兵一面仍創地道以便接挈木柵但
查自勒烏圍至轉經樓固守卡柵層接而第三層

小礮下賊人必益驚惶無措因於十五日申刻派
兵先為埋伏預備攻搶勒烏圍而臣海蘭察同額
爾特等從礮而下攻其近南木城烏什哈達等從
河灘而上攻其近北木城維時轉經樓等處之賊
攢集二百餘人前來拚死救援官兵奮迅迎擊殲
幾過半而為滿洲索倫兵弓箭所斃者最多額爾
特等遂乘勢又挈木柵二座已至所餘高礮一層
之上是夜亥刻額爾特烏什哈達等復夾攻近北

木城先行政克其預備攻打勒烏圍官寨之兵臣
海蘭察率同那木扎格勒爾德自官寨東南進攻
普爾普秦斐英阿自南進攻福康安特成額明仁
自西北進攻而五岱攻其東北臣豐昇額帶兵為
各處策應額爾特岱森保於攻得木城之後又併
力前往攻打官兵四面合攻呼聲動地于十六日
子刻將勒烏圍官寨攻克額爾特特成額福康安
等即分兵佔據而瑚尼爾圖亦已將末層礮上石

碉攻獲具時轉經樓一處保寧官達色彰靄帶兵
攻打一併克獲具逸出之賊我兵緊隨追殺直至
甲爾日礮橋賊入不及過橋浮水竄逸又因連夜
大雨勒烏溝山水漲發賊人淹斃既多而官兵鎗
箭從後擊射得脫者無幾隨于甲爾日礮橋豎立
營柵佔據此次除攻克勒烏圍官寨轉經樓喇嘛
寺其餘所克碉房寨落木城石卡共六十餘座殺
賊數百人查勒烏圍係賊人根本老官寨悉力死守

歷時三旬實已不遺餘力今仰賴

皇上天威凡賊人所恃以抗拒之處一夕無不摧破遂
得先掃其舊巢現在賊人心胆益寒臣等亟將兵
力稍為整頓提兵直搗噶拉依以為迅速藏功之
局奏入

上諭內閣曰據定西將軍阿桂等馳奏紅旗報捷於八
月十六日已改得勒烏圍賊巢此實仰賴

上天眷佑成功迅速而將軍叅贊實心宣力調度得宜將

領弁兵各奮勇出力均屬可嘉所有將軍阿桂副將
軍豐昇額叅贊大臣海蘭察額森特及在事將弁等
著交部從優議叙其出力之滿漢官兵屯土兵練俱
各賞給一月錢糧以示獎勵

上諭軍機大臣曰官兵攻克勒烏圍已降旨將將軍等
從優議叙並遣阿彌達賚紅寶石帽頂至軍營賞給
阿桂以示優眷俾益奮迅集勲此次攻取勒烏圍官
軍聲勢益盛扎烏古山梁等處僅一河之隔賊人隔

岸望見其勢自難復支理應不攻而潰計明亮聞阿桂捷音自應統兵直進迅掃賊入寨落以期兩軍會合何以未見明亮奏到或其所發之摺不及阿桂捷報八百里馳遞之速著諭詢明亮將近日勦賊情形若何迅速具奏

同日

上諭內閣曰前明亮奏據永平李本報稱盤獲金川差往西藏之喇嘛達固拉僧格及霍爾章谷番人雅滿

三珠布那瑪太等訊供具奏被時以永平等在吉地
丹東一帶防守尚能留心盤獲賊番奸細是以降旨
賞給緞疋示獎今據解到喇嘛達固拉僧格及番人
雅滿三珠布等到行在令軍機大臣審訊據雅滿三
珠布供土婦扎什納木私囑我到丹東一帶卡子遇
有官兵即行告知將喇嘛擒拏勿令其得至西藏是
以我到丹東二道橋看見守卡官兵我先去告知來
歷官兵就將達固拉僧格拏住復詰訊喇嘛達固拉

僧格據供我到丹東二道橋時卡子上官兵已經睡
熟因狗叫驚醒雅滿三珠布說此處有我認識之人
我去要了路票好往前去及他一見官兵即同衆人
將我挈住等語彼時若非雅滿三珠布向官兵告知
則該喇嘛等業已偷越潛赴西藏所謂巡防要隘者竟屬
何事達固拉僧格與雅滿三珠布等分起解送無從
串供且喇嘛方恨其將伊獻出豈肯轉為附會所供
自屬實情雅滿三珠布尚屬効順有功即扎什納木

亦當從輕宥幸而問明此情節若照永平李本等所
報將雅滿三珠布即行正法豈不枉屈是永平等不
但無盤獲勞績且幾因官兵睡熟悞事乃轉為捏飾
冒功不可不加懲創永平李本俱著交部嚴加議處
明亮既經提訊仍未研審實情輒據虛詞入告亦屬
非是明亮並著傳旨申飭朕於諸臣功過務期平允
况在軍旅之際賞罰尤宜嚴明如永平等初則因其
盤獲奸番量予賞賚今既訊得確情亦必加以譴責

悉視其人之自取不肯稍涉顛預

壬寅

上諭軍機大臣曰前以明亮奏尚需舒常幫辦因諭令
桂林前往代為防守舒常仍回北路今阿桂已攻得
勒烏圍乘勝前進明亮自可將後路之賊搜勦肅清
即與阿桂會兵進勦彼處可同商辦之人甚多舒常
毋庸復往北路

癸卯

上諭軍機大臣曰現在阿桂督兵進剿噶拉依掃穴犁
巢固屬要事而於擒捕逆酋賊黨尤為先務據各路
脫出番人供詞賊中慌亂情狀大概可知今官兵既
得勒烏圍番衆自更魂飛胆喪或莎羅奔弟兄將索
諾木縛獻亦未可定否則搗取賊巢時務須設法截
擒逆酋及其弟兄賊目并助惡喇嘛勿使漏網亦勿
令自戕若擒得索諾木一面飛遞紅旗一面將各要
犯檻車拘繫選派健營兵丁令福康安帶領巖加管

押沿途仍多撥弁兵護送先行解京獻俘以彰鉅典
至善後事宜亦應預為籌及一俟官兵掃平金川即
應於兩金川之地酌安綠營設官駐守如噶拉依勒
烏圍美諾三處擇其最要者設立總兵次則令副將
駐之其餘自章谷至巴郎拉一帶酌量形勢輕重分
設叅遊都守駐之令官兵營制聯絡橫隔於衆土司
之中方可謂之一勞永逸至駐兵必先籌糧餉現在
運往各路軍糧頗多大兵凱旋時各處自多有餘存

米石應量其道里相近處所陸續運赴各營建倉存貯備用但現在所有餘糧止可為初立營制之需將來經久恒規自當以屯田為妥兩金川地面可耕之土甚多而綠營兵衆屯種又其所習今新疆各處耕屯俱已收實效阿桂向為伊犁將軍屯政乃所深悉將來金川營務自當酌仿而行至成都滿兵必須移駐打箭爐該處控制諸番遠撫西藏實為扼要之地並須添設將軍鎮守聲勢方為尊重所有移駐滿兵

或即仍將成都現數或須添撥若干並著阿桂妥計
行之其所需糧餉由內地運往諒亦不甚費力或兼
用新營屯種有餘之米亦令阿桂一并籌辦又打箭
爐移駐滿營添設將軍一應廨宇兵房倉庫均須建
蓋或現在城內可以安營或須另築新城並著阿桂
文綬咨商悉心籌畫務在工程堅固規模宏整方足
以壯觀瞻不可存惜費之見其金川新設綠營或即
住彼官寨散碉則所省實多亦一體辦理至於各土

司經此番輯靖之後務須使之懷德懾威上下維繫
所有各土司應令將軍總督一體管轄在內則屬之
理藩院方為妥協以上應辦事宜並著阿桂於稍暇
時札致文綬商同詳定章程具奏至阿桂於掃穴擒
渠之後即應振旅還朝以待酬庸策勲舉行郊勞凱
宴諸大典其應先帶京兵若干及副將軍叅贊領隊
諸人作何分起行走之處均須預為酌定並須酌帶
土司數人來朝令具瞻仰天朝禮法承受恩典將來

即照新疆年班之例輪流入覲除巴旺梭磨現
係土婦不便輪班外此次著先帶綽斯甲布土
司雍中旺爾結布拉克底土司阿多鄂克什土
司雅滿泰隨同來京事畢再令回巢伊等共相
傳播久之必以入覲受恩為榮亦如準部回部
之永承恩澤矣

臣等謹案聲罪討逆法嚴首惡而綏輯番疆
一切善後事宜尤不可不先事熟籌俾各土

司懷德畏威邊隅早靖我

皇上於大兵進勦噶拉依時即早紆

睿算凡設鎮安屯一切久規模籌畫精詳纖悉畢到
其恭順各土司復令做伊犁回部之例

入

覲天朝仰瞻禮法承受

渥恩從此妖氛淨埽兩金川一帶遂成樂土益

仰

大聖人仁育義正如天之無不覆幬也

乙巳明亮奏言查納木迪一帶地方賊人
據守在內則後路多兵皆為牽綴而溝北
之克爾瑪上截各寨落尤與額爾替石真
噶兩處切近更慮滋擾臣於八月十五日
派令阿爾薩朗珠爾格德帶兵數百名連
夜前往搶佔一面即派奎林和隆武等於
斯底葉安砌下分隊埋伏倘賊人赴克爾

瑪救援即可乘虛而入是夜官兵抵克爾
瑪碉寨之旁將火彈拋入四處焚燒賊即
棄寨逃竄官兵一路追殺直至曲碩木官
寨寨內鎗砲並起我兵必須層層攀越陡
砌不能一擁上前賊人拒守嚴密天已平
明勢尚未可力攻即將兩處官兵撤回其
克爾瑪地方安營看守無益隨將寨落全
行燒燬查扎烏古山梁綿延數十里必須

厚集兵力多分路數同時鼓勇搶上使賊人應敵不暇自可得手而臣現有之兵實屬不敷調遣今阿桂攻破勒烏圍倘於河東分道采入自難再抽為河西協勦之用如仍為一路或暫調撥數千將扎烏古幫同搶奪在山梁據住要隘不但臣一路可以多抽官兵打仗彼時阿桂幫來之兵仍可撤回河東以資進勦現在具摺拜發後

即擬親赴阿桂軍營將作何籌辦事宜備細面
商定妥奏入

上諭軍機大臣曰前因明亮一路隔滯不進曾諭阿桂
或派海蘭察豐昇額帶兵千餘過河幫同明亮將納
木迪至扎烏古一帶全行攻克合力進勦勒烏圍今
勒烏圍既經攻克無須河西協助但阿桂現在東勝
進兵扎烏古一帶皆在其後恐扎烏古之賊讓阿桂
前進復渡河佔據勒烏圍邀我後路所關不小即或

賊人計不出此而扎烏古一帶與甲禰擒捕渠魁及
欲進勦噶拉依擣其巢穴均須將河西賊寨盡行洗
蕩使後路肅清方為萬妥著傳諭阿桂即速抽撥勝
兵千餘於海蘭察豐昇額內酌令一人帶領過河幫
同明亮將納木迪及扎烏古之賊即速勦洗淨盡再
行統兵進勦

同日

上又諭軍機大臣曰昨已諭令阿桂凱旋時帶綽斯甲

布布拉克底鄂克什三土司同來令各瞻仰受恩此
乃朕優施恭順各番使其共知德意惟是該土司等
從未進京恐其見將軍等挈此數人入朝慮有他意
心生疑畏因思明正土司於內地禮義最為相習向
為各土司總領而瓦寺土司亦於內地為近伊等若
聞准其來京謁謁必皆欣然樂從莫若令明正瓦寺
同綽斯甲布等共五土司俱隨阿桂來京綽斯甲布
等見有明正瓦寺土司同行自必心安意得即應對

儀節亦可視明正等為效法而其衣裳總不必更換仍從其便於事更覺有益

己酉阿桂豐昇額海蘭察額森特奏言科布曲一帶賊人碉卡聯絡山形陡削必當繞道進攻佔住科布曲山頂並相機直佔噶拉布上游始為事半功倍探得從昆色爾下山踰溝向南復上山梁其稍東山腿為噶拉宇寨上為莫魯古賊卡又稍西山腿為達思里寨若派兵兩隊分攻仍一面攻取

莫魯古卡則已出科思果木卡布角之上此三處
不難分兵壓攻又從莫魯古了口下溝兩路分攻
西里寨即下山踰勒烏大溝上捨則朗噶克了口
又已繞出科布曲山梁之上自可不攻而潰再從
則朗噶克進據瑪爾古當噶則舍齊噶拉依即在
此條大山腿之下居高下壓攻打更為得勢而昔
嶺木果木勒烏寨等處皆被官兵橫截於外賊已
據守無益是以臣等於攻克勒烏圍後迅速部署

十九日夜臣海蘭察帶領各起官兵均已齊集昆

色爾一帶山坳使賊無從望見現在秋霖屢降若

得暢晴即於二十四五日間臣海蘭察同各領隊

帶兵進攻臣阿桂臣豐昇額亦即前往章噶一帶

就近調度接應查自科布曲山腿而上其巴拉角

舍齊等處原係噶拉依往來正路但賊既於科布

曲踞守嚴密從此節節力攻不無稍稽時日而賊

亦得逐步退守是以為此繞截之計至臣額森特

尚不能上馬遠行現在即於轉經樓之前科布曲之下駐札攻打以牽賊勢如賊人見大兵繞進稍有抽撤情形亦即努力攻奪

同日阿桂豐昇額又奏言本月十九日明亮過河東來至西路大營與臣等將籌辦進攻之處面同商酌並將摺稿送閱據稱現在西路官兵已攻破勒烏圍若暫調數千將札烏古山梁幫同搶奪據住要隘彼時西路往幫之兵仍可撤回河東以資

進勦等語查明亮所言未始非河西辦理之一法
但此時勒烏圍已破自當直指噶拉依徑擣其心
腹則其餘枝節自解又為全局遲速攸關此時臣
等即派兵前赴河西併力搶得札烏古山梁仍須
過河而東以籌前進於掃除噶拉依之局轉為紆
緩若從達思里等處繞進則不但科布曲賊人勢
可不攻自潰而一經搶佔瑪爾古當噶則前至噶
拉依賊巢亦勢等建瓴且與河西阿爾古札烏古

一帶隔河越嶺道路迢遙賊人死亡日多斷不能處處堅守河西亦必有機可乘臣等前此攻打勒烏圍時察看各處形勢已預籌此進繞之計所有道路上下曲折情形均已屢次躡探明確是以十六日克獲勒烏圍十七日晚官兵等即陸續起發十九日已全抵昆色爾一帶齊集分頭並進初非以成局已定不肯更改因與明亮約定臣等進兵達思里之次日明亮處亦派兵由彼並起諒賊人

以大兵直指噶拉依必聚其力量分頭堵禦為護
巢之計明亮處設法進攻或亦較易為力况河東
一佔科布曲山梁則札烏古阿爾古一帶賊人死
守無益亦必能尅日掃除均奏入

上諭軍機大臣曰阿桂等奏通籌直搗噶拉依賊巢一
摺該處進兵路徑阿桂踴探已久自係成竹在胸實
有把握方如此籌辦且自十七晚官兵已陸續起程
至昆色爾而海蘭察同各領隊現俱奮迅進攻可望

得手自應聽其照所擬妥速勦辦阿桂現既併力直
搗賊巢自不能復有多兵派幫明亮且阿桂如即能
攻得噶拉依則其餘各處碉卡賊衆斷難再拒必自
行潰解况阿桂節次所籌俱有成效今大功已屆垂
成更惟阿桂是恃一切悉聽其調度第阿桂等統兵
進攻以後恐札烏古等處賊人潛至勒烏圍撓我兵
後路其事甚有關係阿桂現派額森特在轉經樓前
科布曲山腿之下駐札攻打以牽賊勢額森特雖尚

未能上馬遠涉而防守是其所長著阿桂即札知該
叅贊令其在勒烏圍一帶小心看守勿使隔岸之賊
得乘隙過河滋擾或至稍有疎虞

同日

上諭內閣曰布政使郝碩自赴西路督辦糧儲實心催
趲經理從無貽悞按察使銜建昌道白瀛承辦軍需
歷經四載自收復小金川及進攻金川一切不辭勞
瘁均屬奮勉出力郝碩白瀛著加恩各賞戴花翎再

劉秉恬前此獲罪原係總督任內之事但自革職後駐劄抵總理糧道兩載以來尚能留心經理妥協盡力並著加恩賞給兵部郎中并賞戴花翎劉秉恬務宜益加奮勉以副朕格外加恩至意

同日富勒渾郝碩劉秉恬奏言查勒烏圍站現存米七千餘石拉枯喇嘛寺現存米二千五百餘石是附近軍營之米業已充裕至拉枯喇嘛寺一站當未得勒烏圍之前係由密拉噶拉木達遜克爾

宗再達拉枯喇嘛寺未免紆折今自攻得勒烏圍
後臣等查勘道路即從勒烏圍直抵拉枯喇嘛寺
甚屬徑捷現將一切軍糧軍火取道勒烏圍一直
運供其遜克爾宗一站即行裁撤以歸節省至麩
斤一項為進兵時裹帶必需軍營現有運到之四
萬餘斤業已送往拉枯喇嘛寺備用所有臣等前
飭各站辦運灰麩數萬斤及飭灌縣辦解之五萬
斤現已飛催滾運前進即日俱可全數到來足敷

長驅裹帶至人夫一項除勒烏圍存夫一千三百名
拉枯喇嘛寺存夫三百名外並有飭令添站備用
夫七百餘名再將遜克爾宗裁撤夫三百名歸入
拉枯喇嘛寺應用更覺寬餘即日大兵冢入愈進
愈遠急需增添臺站又有應行歸併之勒赤爾站
人夫一千名以供調撥添安如再不敷酌於後路
抽撥亦屬便易至火藥火繩鉛子等項節經臣等
傳催趕運現查存營者固已敷用而各站源源運

到者亦復不少鐵斤一項除存營之數萬斤外現
又據委管砲局通判永靈等稟稱十六日官兵攻
克勒烏圍即多帶夫役前赴揀取砲子查看周圍
墻底併破礮內外生鐵砲子甚多現在督催夫役
上緊搜挖是所揀砲子就近解往更為省便得濟
奏入報

聞

庚戌

上諭軍機大臣曰昨阿桂奏因勒烏圍已得整兵直取噶拉依賊巢為搗其心腹之計所籌甚是果然將賊人巢穴攻破其餘碉柵必皆不攻而潰即逆酋賊黨亦更無由竄遁自屬正辦况索諾木之姑阿青現在噶拉依居住阿青即係與丹巴沃咱爾等倡謀抗拒之人尤為首惡重犯而索諾木母妻亦俱在彼一經攻克噶拉依務即將各犯搜擒捕獲獻俘誅磔毋使漏網阿桂現既籌辦及此以期迅速歲功自不得不注

以全力勢難復分兵幫助明亮設或撥兵渡河先助
明亮攻打札烏古阿爾古一帶俟攻克後再回東岸
圖取噶拉依往返耽延未免多需時日萬一賊酋得
預為之備轉於公事無益是阿桂之不分兵幫助明
亮理勢宜然亦無足怪第恐明亮見阿桂攻得噶拉
依自忖未能寸進及向阿桂求助又不肯應允添兵
未免有碍顏面而奎林和隆武亦各懷勇往好勝之
心設或因愧忿所激毅然不顧輕率一往於事甚有

關係雖云不入虎穴焉得虎子但亦須審度機要權其利害而行切不可冒昧攻撲非但將軍領隊等各宜自慎即旗營屯土各兵亦不可令其輕冒鎗石今大功已逮垂成一切倍宜保重若明亮等不論利害促令弁兵輕率撲礮或至稍有閃挫明亮等轉不得辭咎惟當斟酌妥為之又昨阿桂奏明亮於伊等進攻達思里之次日亦即進勦明亮此時自己相機攻勦或竟得其礮柵亦未可定設或尚未能進惟在留心

體察相機而前或賊人力不能抗棄碉遁逸明亮等
一面搶佔一面領兵往甲襍圍打若能擒獲索諾木
及有名顯目即其大功但須試探明確而行不可轉
為賊人詭狡所惑再阿桂一路軍聲甚壯賊人自不
敢櫻鋒恐其見明亮處兵力稍單或從札烏古及納
木迪等處偷出或從甲索一帶潛來皆足撓明亮軍
營後路所係非小明亮等務須實力嚴防不可稍墮
賊人詭計勉之慎之

平定兩金川方略卷一百二十三

欽定四庫全書

史部

平定兩金川方略卷一百二十四

給事中_臣查善長覆勘

總校官原任侍講臣王燕緒

欽定四庫全書

平定兩金川方略卷一百二十四

九月辛亥明亮奏言

臣

於十九日前赴阿桂軍營

商請幫兵為攻打扎烏古之局而阿桂先於十六

日密派官兵齊集昆色爾一帶即圖繞道進攻此

係操其腹心於制勝更為得策自不值於扎烏古

再分兵力但念賊衆披靡之際若河西一路亦得

乘勝長驅與河東聲勢聯絡則掃穴擒渠更為近

速因思甲索而南即為碾占高踞衆山之頂勢若
建瓴由此進兵直下臨河不惟扎烏古以北一帶
賊寨可不攻自潰即教成現駐之巴扎木以及阿
爾古等處皆可攔截在內而對面之科布曲即界
於碾占扎烏古兩山中間如臨時未即將科布曲
攻克即可用碾轟摧以資夾擊此碾占一路本為
正辦祇以賊人設守甚嚴堅碉林立共有一十七
處而通盤籌算我兵數目不敷應用緣是未能定

局今大功已屆垂成不得不為冒險出奇之舉質
之阿桂亦以為然並約定於二十四五等日但見
西路官兵於所攻之噶拉宇達思里寨一經得手
則河西之賊或撤往堵禦即於次日由碾占努力
並進臣於二十四日回營即傳集各領隊大臣公
同商酌於前敵各營盤後路各卡儘數抽調可湊
足六千餘人派令各領隊帶同前往分頭搶奪務
使各卡內賊人一齊被圍彼此自顧不暇即難出

為應援更可勢如破竹其沙爾尼以至基木斯丹
當鳴周圍數十里之內所有戰守滿漢屯土兵丁
調用大半未免空虛然賊人屢經挫折膽氣已寒
諒不敢復來滋擾不過相隔四五日碾占一路官
兵壓下山梁則扎烏古並納木迪曲碩木官寨以
及沿河阿爾古各寨落賊人自必潰散若仍抵死
拒守臨時從河東調取二千餘兵幫同北路暫守
沙爾尼一帶地方俟碾占官兵合為一處再令河

東官兵撤回自不至有疎虞之慮奏入

上諭軍機大人曰據明亮奏調兵由碾占下壓並與西路約期會勦自應如此辦理因展閱阿桂處前此進到地圖內有碾占之名就其形勢而論若果能從彼下壓則扎烏古阿爾古一帶賊人皆攔截在內自可不攻而潰况與阿桂訂期進攻彼此為犄角之勢更可互相照應著傳諭明亮總須相度機宜妥速辦理若已攻至沿河而阿桂一路之兵亦已繞出又可夾

攻科布曲賊碉以期必克明亮仍當統兵前赴甲雜擒捕逆渠務須必獲明亮之立功即在於此當努力妥為之

乙卯舒常桂林奏言

臣桂林遵奉

諭旨於二十六日前抵丹東與舒常面為講究

臣舒常

業將巡歷各要隘處所一切見聞與桂林細加商

確意見均屬相同

臣

等查吉地一帶地方遼濶山

徑紛岐誠如

聖諭防堵逆匪逃逸之事甚關緊要今若於勁旅之外
再添綠營兵六百名自足以敷分布臣舒常即於
二十八日自丹東起程仍回北路明亮軍營

同日富勒渾奏言臣奉

旨前赴布朗郭宗防駐應即前往惟查將軍阿桂因科
布曲山梁陡隘分兵由拉枯喇嘛寺繞截賊人後
路並與副將軍明亮約定同時發兵攻取甲索山
梁所有移營安站俱係迅速機宜刻不容緩臣前

在軍營已將一切妥為布置交郝碩白瀛等尾隨
大兵前進分頭照應當即馳回梭洛栢古派調官
員人夫預備馬匹臣並督催軍糧軍火趕辦大兵
進攻裹帶灰麪及急需拏卡口袋等項運送軍營
以資接濟二十四五等日大雨官兵尚未舉行天
氣稍晴自當乘機進取一得佔據則朗格克了口
賊人失其險阻我兵四出分攻支應更須周密臣
移駐布朗郭宗距軍營五百餘里一切策應調度

又難得及時籌畫當此大兵深入掃穴擒渠在此
一舉自應權其緩急輕重迅圖歲事茲提臣常青
由梭洛柏古前赴軍營會商進勦臣於拜摺後亦
即與常青同往面見將軍阿桂詳加籌定或將梭
洛柏古一帶地方及軍營應辦事件俱交郝碩經
理抑或另派大員前往照料以期無悞臣即馳赴
布朗郭宗駐守巡防均奏入

上諭軍機大臣曰前據阿桂奏擬令舒常與富德對調

因照所請傳諭舒常即赴南路代富德駐守馬爾邦
換富德至吉地同桂林堵截逆酋並酌從正地派兵
襲擊使賊知此路有兵不敢從彼越竄此旨於八月
二十七日發往九月初十日左右方到軍營舒常諒
已早至明亮處會同進勦自不必令其仍赴南路徒
事往來僕僕且桂林曾任四川總督向亦帶兵勦賊
者有功績其於防堵逆酋襲擊正地之事尚所能為
似可即令其在吉地駐防或阿桂計及逆酋等窮蹙

時必從此一路竄走而堵截追擒之事富德閱歷尤
深桂林尚不及其幹練則竟令桂林往南路駐守馬
爾邦換富德至吉地一帶堵截亦無不可但軍營事
宜難以懸定著傳諭阿桂悉心妥酌務策萬全至前
以官兵進勦勒烏圍久未攻得因思功噶爾拉當噶
爾拉兩處賊人若不似從前看守即令常青帶兵千
餘直進殲賊克碯以摧賊膽而分其勢是以諭令富
勒渾代駐布朗郭宗今阿桂已攻得勒烏圍繞兵由

昆色爾進勦又以籌辦隨營軍糧軍火為重兵事移步換形務期妥善豈可因事前未定之旨過涉拘泥想阿桂必能為之妥酌指示也近因大功將歲檢各路屢次立功奏稿以備親撰碑文之用偶閱初次攻克僧格宗等寨摺內有守備劉奉崔文傑帶兵壓至僧格宗寨後繞截攻打追殺賊人又攻克美諾摺內稱攻打美都喇嘛寺有游擊谷生琰都司余之格直上山梁衝壓都司劉俸守備李植善由寺東進攻各

等語此皆綠營漢員中之奮勇出衆者何以近日不見此諸人之名現今俱在何路是否如前勇往抑或退縮不前及當日曾否加恩鼓勵之處並著阿桂查明附便覆奏又前後兩次攻取美諾時德赫布及海祿均屬奮勉出力今海祿尚有隨征打仗之事而德赫布久未見其名因何不復派用或派用而不肯向前亦著明亮查明據實覆奏

丙辰阿桂豐昇額海蘭察額森特奏言自八月初

旬以來陰雨連綿_臣等前此沿灘築柵繞截賊寨之處地勢本為窪下彼時雨後水漲一二次柵內俱已漾入數寸官兵恪遵軍令皆鋪墊木植板片存跣毫無動移而水勢亦旋長旋消是以並無妨礙今自攻得勒烏圍以後_臣等令官兵酌留數柵駐守以防賊人溯流滋擾乃近日雨勢較為綿密而水勢日逐增加_臣等令沿灘木柵移往高處計與沿河前此舊柵已隔一箭之地高有數丈而二

十四五日河水又陡然漲發續經移駐之柵皆過水數尺直移至附近寨牆之處始不能漲入此水若暴漲於數日以前則沿灘木柵必至被冲斷難存住即使並無傷損而當攻圍緊要之時驟將官兵撤出亦屬不成事體今直至已克勒烏圍然後漲發蓋由

聖主洪福如天百靈呵佑以至於此臣等業已潔牲虔祭以答神庥奏入

上諭軍機大臣曰阿桂等奏官兵攻得勒烏圍移營高處河水陡漲數丈若漲在數日以前則沿灘木柵必致被沖等語實仰賴

上蒼嘉佑惟當額手敬謝即此

天心助順可徵成功之速

同日阿桂豐昇額又奏言臣等於六月間欽奉

上諭嚴飭郭羅克等因當經分繕檄諭曉示各土司嗣據附近各土司陸續稟覆均稱遵奉檄諭業已派

兵嚴加防範總不使金川得有一人逸出其三郭
羅克地方茲亦出結具稟前來臣等逐一譯出據
上郭羅克土百戶丹明稟稱我們地方離金川甚
遠斷不能逃到此地若是逃來自必立時拏住送
到將軍跟前等語據中郭羅克土千戶麻克蘇爾袞
布稟稱金川土司頭人若是逃來我即帶領土兵
進截務必拏送就是叫我們出兵攻勦也是情願
等語其下郭羅克土百戶澤旺羅丹所稟亦同並

有現在安分納糧住牧白日不敢放夾壩夜間不敢作賊之語是郭羅克等接看檄諭嚴切各有畏懼之意已屬情見乎辭奏入

上嘉之

同日

上諭內閣曰據阿桂奏頭等待衛子爵明仁自到軍營以來帶兵打仗頗屬奮勉近雖抱病力疾行走茲因病身故等語覽奏深為憫惻著賞給副都統銜並著

該部即照贈銜議卹所有子爵即著伊子寶倫承襲

戊午

上諭軍機大臣曰前諭舒常至南路換富德往吉地一帶同桂林堵禦昨據舒常等奏桂林已於八月二十六日至丹東舒常將應辦之事向其告知即於八月起身往北路明亮軍營若再更調未免往來僕僕莫若即令桂林在吉地駐守經理堵擒逆首事宜並酌量派兵從正地襲擊使賊知我此路有兵不敢從此

路竄出其事尚屬桂林力所能為富德著仍在緘布
駐兵舒常仍在北路參贊均無庸更調

壬戌阿桂豐昇額海蘭察額森特奏言查官兵屯
駐之地雖在昆色爾山坳為賊探望所不及但以
陰雨稽遲為時稍久不能不畧有知覺臣等不時

令趨掠官兵潛往達思里噶拉宇一帶哨望情形
並於雲霧偶開之時親自查看見達思里噶拉宇
各山腿凡官兵可進之路已於各扼要地方增修

碉卡從此進攻未免多煩兵力臣等復詳加跽探
查得從什爾德山梁之南過溝而上為達烏達圍
再上為安布魯木從安布魯木順梁而下即至聶
烏過勒烏溝而上正對則朗噶克緊要了口又分
兵一隊攻打色木里喇嘛寺即由色木里下壓西
里一克此處則如達思里噶拉宇以及托古魯等
皆已攔截在內且賊人新增碉卡皆已無用即或
暫為死守分兵下壓亦不難於攻取從此過溝即

可攻佔則朗噶克了口以截科布曲賊人之後而噶拉依一帶賊人更為震動雖此一路亦多碉寨且由此繞進較之由達思里噶拉宇進攻道途更為險遠但現在賊人不過聚其力量攢守一處自不能再於此山梁碉卡處處多人嚴守况以此一帶形勢而論大約自什爾德山至勒烏溝為一節自勒烏溝至則朗噶克為一節自則朗噶克至瑪爾古常噶為一節官兵越過勒烏溝而上則朗噶

已得其險隘兩處如仰仗

天威直佔瑪爾古當噶則距舍齊甚近竟與已至噶拉
依無異現在天色自初四日午後漸次開朗擬即
日發兵務期佔據地方迅速深入

同日阿桂豐昇額又奏言查甲雜官寨本在河西
居勒烏圍噶拉依中間勒烏圍雖克而欲從河東
前進則科布曲山梁賊人正在死守欲從河西前
進則扎烏古阿爾古等處明亮處又俱未克此時

實無可以乘間進攻突往圍截之路若仍從沿河兩岸迎面進攻距甲雜官寨尚隔數道山梁山溝又各有碉寨即逐步攻至其處已不免多稽時日而甲雜係小官寨本在崖礪之下攻打亦多費手况賊首弟兄最為怯懦據投出番人稱索諾木先在納木迪官寨督率賊番堵禦北路官兵嗣因基木斯丹當噶官兵用礮連轟遂已棄納木迪官寨而去而西路官兵一至勒烏圍之上莎羅奔等亦

旋退至科布曲山梁即其明驗就使官兵攻進甲
雜而後路未斷賊酋等又必逃往獨松等處即如
莎羅奔等現在科布曲山上臣等未嘗不思先行
擒捕而後路未斷官兵即能攻上山腿又必先已
遠颺自非毫無退步愈逼愈近斷不肯坐受圍攻
况以西北兩路兵力計之明亮處本年添兵時原
應有滿漢屯土兵二萬五千人而臣等西路內滿
漢屯土各兵現雖共三萬二千而因自梭洛柏古

至勒烏圍大營及拉枯喇嘛寺一帶道路綿長近於後路營卡內極力抽出止得一萬二千人僅敷什爾德一帶分路進攻及為接續之用今因陰雨沮滯達思里一帶賊人又添礮卡晒得上有路徑可繞雖極險遠不得不為出奇之計以圖亟為笨入若再抽兵他往不能為繞截之用只可迎面攻打逐步進取即與河西現在情形無異不免幾同株守且使賊人復將此處收拾堅固則進掃噶拉

依賊巢愈為費手臣等密度此際情形實惟先搗
噶拉依庶賊衆易於潰亂為目下第一要著若兩
巢並覆則其頭人番衆必彼此不能相顧全境可
可以計日而定賊酋等如腐鼠孤豚不難擒致但
欲搗噶拉依惟從什爾德一帶繞進最為可望若
一抵瑪爾古當噶則已與甲雜官寨隔河相對始
能相機辦理均奏入

上諭軍機大臣曰阿桂等奏覓路繞截進攻情形所籌

甚好且據稱初四午後天氣漸晴擬於今日發兵
務期迅速佔據等語今節令已當九月向後自應晴
爽阿桂等繞道進攻必能有益佇聽捷音再阿桂昨
曾與明亮相約令其俟河東進攻達思里時即從碾
占下壓今阿桂擬從撻烏達圍一帶進攻則又在達思
里之北似不與碾占相對或阿桂處另行通知明亮
相訂會辦亦未可定軍營之事移步換形難以遙為
揣度阿桂長於謀計於籌畫軍務機宜尤所諳悉明

亮等惟當聽其妥酌行之

同日阿桂豐昇額又奏言查現在大兵擬直指噶拉依以搗其腹心賊即死力拒守亦必不能久稽時日所有一切撤兵事宜自應先為留心部署惟是各路內健銳火器兩京營以及吉林索倫官兵據軍需局議稱此項官兵內即令限役步行照例折與馬匹銀兩而自成都至廣元縣神宣驛計程十六站每站應各安馬五十匹以供官兵乘騎共

應需馬八千餘匹實不能購辦除官員仍給馬匹
乘騎外擬每站安夫一千多備竹兜擡送等語查
川省自軍興以來用馬較多自屬難於雇備但每
站安設多夫既不能不多費民力况用夫擡送官
兵亦有不合查自成都而至重慶沿路寬廣均係
順流而下一過夔州下至襄陽更為迅速自應令
京兵及吉林索倫官兵乘船前抵襄陽起早沿途
既省用馬之繁而河南車輛最多一路應付回京

更為易辦至仰荷

聖恩大功告歲舉行郊勞之典自應酌帶勁旅凱旋查
乾隆二十五年將軍兆惠等帶官兵四百餘人分
為五起進京今亦應仿照辦理但此項官兵若亦
由水路行走恐難尅定日期應仍從川省北境徑
由陝晉二省以至直隸在各項滿兵既從水路行
走由河南辦車送京則四川陝晉各省獨應付此
四五百名官兵馬匹自屬易於備辦謹請

旨遵行奏入

上命軍機大臣連議具奏旋經大學士舒赫德等奏言此項隨將軍等凱旋回京官兵應如阿桂所奏照平定西陲之例以四百為率並擬酌分四起令間二日行走令各省於滿漢各營及非通京大路各驛站內酌量抽調壯健馬八百匹如期解赴分站安設以供官兵乘騎之用至跟役人等際此功成凱旋即令其步行照例折給馬匹銀兩自所樂從其

餘京兵及吉林索倫官兵非隨將軍凱旋者應如
阿桂等所奏俱由水路坐船至河南直隸一路進
京照例辦給車輛第此項兵丁由軍營至重慶未
必有如許馬匹應付即照例給與馬匹銀兩聽其
步行再吉林索倫等處官員兵丁有打仗出力曾
蒙

皇上賞給巴圖魯號及賞戴花翎者並令阿桂查明於
凱旋時先行帶同進京即在四百名之內俾得一

體恭興

盛典以示優獎

上從之

癸亥劉秉恬奏言查桃關出口之米自七月十五日
至八月二十九日共運四萬九千二百餘石均
勻計算每日約有一千九百餘石其由桃關運交
楸砧及過站之米自七月二十一日至九月初五
日共運四萬四千一百六十餘石均勻計算每日

約有九百八十餘石查西路軍營自薩拉至勒烏
圍截至八月下旬共存米六萬餘石北路自卓克
采至沙爾尼軍營等處亦約有米一萬五千餘石
是兩路軍營及附近各站現在存糧七萬餘石已
敷兩路官兵人等兩月有餘之食現在出口及到
椒砭之米以舊配新足資接濟臣昨在軍營時據
將軍阿桂告稱現在進搗噶拉依聞沿途山石稀
少官兵到處囊土為卡需用口袋甚多軍營現有

二千餘條尚不敷用令將後路糧臺贖空粗麻口
袋運往備用臣路經梭洛柏古即會同督臣富勒
渾行知各糧員等將各站所有贖空口袋儘數撥
解軍營茲據各該員等稟報現已解過二萬九百
餘條如尚需用其隨後有空出者亦令一律解往
奏入報

聞

同日文綬奏言兩路軍米轉供馬奈軍營並由未

池協濟北路軍食皆取給於打箭爐本年四月間
以打箭爐積貯充盈飭令各屬停止南路新運改
由桃闌楸砭輓運卓克采蕪以打箭爐存米由木
池協供北路北路之糧遂日就充裕惟是各路軍
儲必需因時調劑打箭爐每日運木池米七千石
自七月至十月止共應發運二萬八千石加以運
供馬奈一路軍食則打箭爐舊儲計至十月底止
僅存萬餘石南道路里荒遠十月以後之糧此時

即應籌辦查雅州現有舊存米一萬數千石本以預備中南兩路之需目下正可供用臣現在一面即飭雅州府屬各州縣將所存之米就近撥領先即運赴打箭爐一面飭軍需局籌議乘此九十等月北路有木池米糶集交納糧儲充足之際酌飭原辦南路各屬仍令趕運打箭爐新運俟十月以後木池停運不能協濟北路之時又可酌量情形令其添運北路則南路之糧足資儲備而北路亦

不致有顧此失彼之虞奏入報

聞

平定兩金川方略卷一百二十四

欽定四庫全書

平定兩金川方略卷一百二十五

九月丙寅明亮奏言查碾占一路自前月二十三

日發兵以後連次阻雨嗣接阿桂札知定於初八

日進攻臣於初七日親赴甲索察看情形其碾占

一路賊人聚守甚嚴攻之無益不如即於巴札木

下壓一面仍令教成帶兵九百名由碾占牽綴以

分賊勢初八日子刻臣督率官兵從巴札木分路

進發約行十五六里山路稍見寬廣賊皆棄而不
守另於陡崖之上連築三碉包以深濠一道立有
木柵其外復挖深濠我兵方得近前鎗礮甚密斷
難進步而左右兩旁樹林內可以抄出之路賊復
築長牆堵截牆內各有碉卡重疊實屬無隙可乘
隨令以次撤回臣現奉

諭旨令與阿桂會兵進剿而阿桂寄示摺稿西路可供
打仗者亦止得一萬二千人僅敷什爾德一帶進

攻欲令臣帶兵數千為續添力量合勢掃巢是

聖明指示現與阿桂所奏同此機宜而噶拉宇既破則

自札烏古以至正地自正地以至馬爾邦皆可傳

檄而定臣屆時將河西地方酌派幹練大員責成

照料即選派精銳親赴西路并力以圖

同日舒常奏言臣恭奉

諭旨令速赴絨布更替富德至吉地帶兵防堵臣現於

初十日已由沙爾尼起程順道經過丹東倘換回

土兵即能進勦臣先與桂林帶領徑攻正地之後
再赴絨布如或土兵一時未能齊集臣即赴絨布
備細告知富德聽其酌量辦理均奏入

上諭軍機大臣曰據明亮奏碾占巴札木兩路賊人拒
守甚嚴未能即進擬親赴西路與阿桂并力以圖又
據舒常奏接奉諭旨令赴絨布寨更替富德現由沙
爾尼起程前往等語均屬大謬看來明亮竟係因北
路現無可進之機而阿桂一路自攻得勒烏圍以來

統兵前進聲勢甚盛遂欲捨此就彼甚屬非是各路
分派將軍叅贊責有專司自應各就本路調度熟籌
以期集事即彼此有應關照之處亦不過聲息時通
訂期夾擊互相犄角斷無舍己從人之理况西路有
阿桂為將軍又有豐昇額為副將軍尚何藉明亮之
相助即欲添阿桂兵力亦止須令奎林和隆武統領
前往明亮何得輕率親行且三將軍俱聚於西路而
北路竟無一總統之人亦無此理明亮既欲親行又

不留舒常在營駐守實為非策至所稱阿桂摺稿西路可供打仗者止一萬二千人僅敷什爾德一帶進攻欲令帶兵數千為續添力量合勢掃巢等語若其事果出阿桂之意則阿桂亦有不合因檢閱阿桂原摺據稱西路兵雖共三萬二千因自梭洛栢古一帶道路綿長近於後路營卡內極力抽兵止得一萬二千僅敷什爾德一帶分路進攻及為接續之用等語此就現在抽兵情形而言並非議令相助又據稱明

亮前至軍營面商告以俟官兵繞進得手之後或河西另有機會再行籌辦過河幫助否則俟西路攻進噶拉依時明亮帶兵數千前來為添力合勢構巢之舉等語此乃指攻圍噶拉依將得之時而言其時明亮或果由碾占一路乘機攻得方令前往並非令其捨河西一帶不顧徑往相幫蓋明亮悞看阿桂摺稿並將上下文意錯綜悞會遂至於此因覆細閱明亮之摺據稱屆時統兵親往似此時尚未起身果爾則北

路兵勢尚不至於遽渙但恐舒常既行明亮又冒昧
即往賊人窺見此路無人潛從扎烏古而下將沙爾
泥姑寨等處復行佔去則於全局大有關係甚為可
慮總之事事明亮舒常所辨太覺謬矣非尋常錯悞
可比著傳旨嚴行申飭明亮此時斷不可輕離北路
如或阿桂果有必須助勦之處即令奎林和隆武帶
兵數千前往亦無不可明亮若能即將河西一帶及
早攻奪下至沿河方可與阿桂關照會勦否則將河

西一帶加意嚴緊守禦勿為賊人窺伺滋擾閱進到
之圖所有扎烏古山梁未克賊碉尚在勒烏圍東北
明亮並未將沿河一帶料理肅清斷其過河至勒烏
圍之路萬一賊人由彼偷越於勒烏圍甚有關礙不
可不極力嚴防阿桂曾派令額森特在勒烏圍轉經
樓甲爾日磔橋一帶駐守此皆防西來之賊非防北
來過河之賊此處大有關係仍當諭令實力留心處
處照料不可稍有疎忽明亮後路未清之時阿桂切

不可將額森特調令他往致滋貽悞阿桂並傳諭額
森特知之至沙爾尼茹寨一帶為軍糧軍火臺站所
經不可無妥幹大員坐辦富勒渾昨奏往底木達經
理糧臺原為功噶爾拉當噶爾拉一路進兵因思該
處進兵不過牽綴無庸富勒渾往彼相助就現在情形
而論河西所關尤重富勒渾自當在此一帶留心妥辦
或仍在梭格栢古或酌籌與明亮軍營相近最要
之處駐守至功噶爾拉當噶爾拉進與不進無闕大

要阿桂攻得噶拉依時如欲添兵或調常青處兵一千名令其帶往幫攻甲雜蓋噶拉依一經攻得則功噶爾拉當噶爾拉皆成內地常青自可徑行無阻著阿桂妥酌行之至於河西碾占一路雖賊人堅拒難進自應別探可進之途即如阿桂處初擬由達思里一帶進攻繼聞賊人知覺預防即改由達烏達圍經安布魯木而進程雖稍遠而攻其無備自易得手若如明亮之畏難輒止何由所向克捷耶又閱明亮圖

內官兵所設營卡太多上下布列三層似覺無謂今
既將達布依一帶營盤拆毀前移何不將石真噶一
帶及達思拉木方營向北一帶小營盤移撤又可抽
添無數兵力明亮何不計及於此嗣後務宜諸事留
心為妥舒常較明亮稍有心計是以前次派令往吉
地駐辦堵截逆酋之事旋經明亮奏其北路軍務畚
情熟習仍欲得其相助是以即令復回北路而令桂
林往代至於襲擊正地一事原令舒常同桂林酌量

辦妥即回北路嗣因阿桂奏請令舒常往絨布換富
德至吉地堵截雖允所請隨據舒常奏已於八月二
十八日自吉地起程徑赴明亮軍營朕尚以其徑去
為是是以諭令仍在北路無庸前往絨布更換而以
吉地堵截之事交桂林辦理朕於七八千里外籌度
機宜只能如此軍營之事移步換形或接奉後旨與
前旨情形不符果能揣度事勢擇其妥是者奏聞而
行朕非惟不責其故違並且獎其曉事舒常豈尚不

知而拘泥若此耶舒常奏已於初十日起身若至正
地料理襲擊之事稍就即接奉前旨仍回北路自屬
最要若已馳赴絨布而富德又自絨布前往吉地彼
此甫經更調又只宜各就現駐之處作為定局實力
妥辦不可因有此旨復行僕僕道途徒勞跋涉舒常
富德均當妥酌而行

戊辰阿桂豐昇額海蘭察額森特奏言查達思里
噶拉宇一帶進兵之路因陰雨連旬賊已增修礮

十攻取不無費力臣等另議從達烏達圍繞進攻
壓以現在賊情而論力量悉聚於達思里一帶其
達烏達圍各處趁其防守尚未十分周密從此突
然前進出其不意固可即期得手且官兵一過當
噶克底而至色木里則已出達思里噶拉宇之上
此一帶賊人慌亂亦可乘機攻佔臣海蘭察帶領
繞進之兵從達烏達圍深入攻壓臣豐昇額額森
特率領保寧成德仁和那木札等於達思里噶拉

宇鄂羅木各處先為舉動以綴賊勢並相機攻槍
臣海蘭察即將所帶之兵分為七起令福康安普
爾普烏什哈達瑚尼爾圖秦斐英阿格勒爾德額
爾特帶領又令官達色常祿保五福等緊隨接應
而派侍衛薩爾吉岱等為前哨臣阿桂在擦烏曲
一帶督率調度臣海蘭察隊內官兵均裹帶三日
乾糧迅速前進此一帶山高崖陡本無路徑其間
樹林深密泥滑亦未甚乾官兵俱攀藤附葛上下

而初七日之晚陰雲四合風雨又復大作各官兵
雖冒此大雨而稍歇復行毫無畏阻賊亦並無知
覺至初八日子刻已抵達烏達圍其地有達沙布
果一碉官兵乘其不覺立即奪獲及至天明其當
噶克底各碉因有逸出賊人送信俱已預備官兵
轉乘雲霧四塞直抵碉根拔開護碉欄木倚立碉
牆攀援附登賊人見大兵驟至放鎗拋石而我兵
將露身之賊用鎗箭連斃數名遂乘勢搶上碉頂

砍開碉門將賊悉行殺死無一人得脫者即將當
噶克底各碉佔據查臣等前此所以欲從安布魯
木繞進者因恐當噶克底一時未能遽得因為此
遠繞抄截之計今當噶克底已經攻克再將綽爾
丹色木里兩處攻得則順梁下壓噶拉宇及莫魯
古等處均為得勢更毋庸遠為繞截當即派兵分
攻綽爾丹及色木里兩處賊人始亦放鎗抵拒及
見我兵勢盛已近碉前紛紛從後竄出官兵追殺

數名又將色木里喇嘛寺佔據其綽爾丹碉卡在
峯巒突起之上賊人悉力拒守若必俟攻取後再
行順梁下壓恐噶拉宇一帶之賊轉有備禦遂一
面留兵圍困一面即督兵循梁下壓噶拉宇碉卡
賊人見官兵將上截各碉卡層層鏖戰攻殺而下
已無不驚魂喪膽及見官兵風捲前來分頭衝撲
披靡奔散除殺戮之外其餘且戰且走俱逃向莫
魯古其各碉寨潰散賊衆均聚此一處因莫魯古

在山脊中間石包之上賊人修有夾層木城其夾層之內填以土石頗有可恃且料我兵連夜遙行經日鏖戰不無疲乏尚思出柵抗拒各官兵乘此勝勢見賊人聚集正可多為殲戮遂即併力擊殺鎗箭齊施並衝入賊人隊內刀矛短接斃賊尤為不少其負傷得脫者無幾時已昏黑即令官兵拏卡佔據其綽爾丹之賊圍至戌亥之交風雨交作賊人趁此思欲突出我兵知覺除刀矛殺死外其

餘亦俱滾落石岬至初九日早又派兵將莫魯古
右手山腿攻佔向南直壓至達思里寨此一帶寨
落最多官兵所向克捷悉行放火焚燒其餘各寨
之賊亦盡望風奔潰先是臣豐昇額額森特處亦
分兵三路派成德等攻打甘都瓦爾碉寨保寧那
木扎等攻打噶拉宇迤下德里雅克角碉寨仁和
等攻打鄂羅木碉寨於初七日晚發兵初八日丑
刻已至溝底因什爾德大溝正值山水怒漲奔流

甚為深廣。督令勇銳官兵將預備木植運往搭橋。而此處賊人素有預備。施放鎗礮以拒我搭橋之兵。官兵與賊隔河施放鎗礮對敵。直至午刻。賊人稍退。橋始搭成。成德等帶兵過橋直上甘都瓦爾山。賊人憑高下壓鎗石甚為緊密。官兵力戰而登。賊人勢不能支。意欲入碉拒守。官兵緊隨殺入。隨將甘都瓦爾碉寨攻克。其保寧那木扎等從噶拉宇右首溝內進攻之。兵因德里雅克角碉卡相

連遂帶兵繞上先將大礮一座克取即從山腿遂
層往下攻壓所有礮寨亦全克獲是時仁和等帶
兵將抵鄂羅木而鄂羅木賊人正從山腿前來欲
為德里雅克角各處援應官兵上前奮擊賊人踉
蹌潰走仁和等乘勢攻上將鄂羅木各礮寨一併
佔據其各處竄下穿林匿箐之賊三隊官兵合力
搜捕又殲斃三十餘人是時臣海蘭察之兵先至
莫魯古噶拉字之上臣額森特之兵已與上下接

通此次從達烏達圍繞進之兵奪獲碉卡三十餘
座寨落四十餘處平房一百餘間喇嘛寺一所其
攻甘都瓦爾各處之兵奪獲碉卡二十七座寨落
十六處計所獲刀矛鳥鎗等物甚多殺賊約二百
名其巴拉角頭人克納阿庫魯亦經殲斃至此
連日打仗俱各奮勉惟守備胡思順陣亡委署護
軍叅領秀林得有鎗傷餘俟查明同陣亡受傷弁
兵一併查明咨部奏入

上諭軍機大臣曰阿桂等原欲攻達思里等寨因賊人
知覺預防須改從達烏達圍繞進今繞進之時不但
將改道擬攻之當噶克底一路盡心攻克並將原擬
進攻之達思里噶拉宇莫魯古一帶盡皆槍佔將軍
叅贊調度有方在事之將領弁兵等皆冒雨衝泥攀
崖越險所向克捷甚屬可嘉所有阿桂豐昇額海蘭
察額森特及奮勇之領隊大臣等各分別賞給荷包
以示獎勵仍俟攻克噶拉依時一併交部優敘俾膺

渥典至阿桂統兵攻勒噶拉依為搆其腹心之計深得窺要現在督兵進攻自斷不容復行抽撥往助明亮是以前諭阿桂令調常青所統之兵但昔嶺一帶亦須有人牽綴即常青之兵似亦不宜調動著阿桂妥酌行之至勒烏圍及甲爾日磔橋一帶甚為緊要宜防札烏古等處之賊過河滋擾所繫匪細前據阿桂奏派額森特在彼駐守頗為可恃閱此次奏摺額森特業已帶兵進剿則勒烏圍一帶現派何人代彼該

處專防後路過河之賊其責甚重阿桂宜選派勇幹
之人駐辦仍將派委緣由即行奏聞

同日阿桂豐昇額又奏言竊臣接奉

上諭令臣阿桂凱旋時帶綽斯甲布布拉克底鄂克什
明正瓦寺五土司隨同來京查邊外土司若令習見
天朝禮法使之懷德畏威實足以潛消其桀驁但今土
司內如瓦寺土司故後伊應襲之子年紀幼小尚
未襲封現係伊叔桑朗遇春代為辦事布拉克底

土司阿多本係瘸子令人背負而行自不能遠赴京師至番人有生身熟身之不同與蒙古無異即如本年春間軍營三雜谷土兵內忽然多人出痘其頭目俱遣人送至遠處林箐崖洞中間生死聽其自然不與相見彼時卓克采土司加噶爾本從噶克土司納木札爾適在營中因係未經出痘之故見土兵如此甚為懼怕亟懇告假回巢是以臣阿桂奏明將來應令最熟之土司如明正鄂克什

等先來引

見此後或有心生艷羨願輸忱瞻仰

天顏者再行辦理奏入報

聞

同日

上諭內閣曰前因旺保祿在天津鎮總兵任內尚知奮勉是以令其往署四川提督在軍營後路駐紮巡防乃伊自到川以來諸事毫無措置難勝專閫重寄祇

可授為副都統應俟大功告成後令其來京仍為健
銳營翼長其四川提督員缺著桂林補授伊於川省
軍務情形尚能熟悉且現在吉地一帶辦理堵截賊
首之事以提督大員在彼督辦呼應自必更靈桂林
應益加感奮以副委任其旺保祿所遺天津鎮總兵
員缺即著永昌調補所有馬蘭鎮總兵員缺即著滿
斗補授

甲戌阿桂豐昇額海蘭察額森特奏言臣等現在

奮攻西里碉寨查此處寨落甚多官兵自達思里
進攻其中溝壑深寬峯巒陡峻加以林箐叢密均
須穿越而過道路本為險惡但一得此處則下至
勒烏溝更無阻礙是以臣等於十一日夜分兵三
路進攻十二日黎明將上高峯突起之處賊人即
已前來迎敵我兵鎗箭齊發賊人踉蹌潰敗官兵
趕殺前進遂至高峯之上乘此銳氣即擬順梁而
下進攻西里碉寨詎此處箐林更為深密而各處

援應賊人接續而來四出衝抵經臣海蘭察福康
安普爾普親督官兵分頭迎敵並經官達色帶兵
過溝夾攻殲斃甚多賊人勢不能支始行穿林竄
逸其間樹木叢雜並無路徑官兵難以深入窮追
而賊人又於他處繞出或前或後伺隙衝突計自
辰至未大小接戰十餘次所斃賊人不少伏思西
里一處本為勒烏溝科布曲一帶之屏蔽賊人力
量既聚於此則科布曲山腿之上備禦不無稍疎

突然攻搶或可望其得手臣額森特帶同特成額
那木扎等從中路進攻而派五岱書麟彰靄等進
攻山腿高處碉座又派富興等循山腿上攻但甲
爾日礮橋業經坍塌毀應須搭橋而過當於十七日
子刻派烏爾納等先將預備木植潛密趕搭浮橋
因月光之下放哨賊人先已知覺用鎗下擊直至
河邊抵禦官兵一面對岸施放鎗砲一面隨搭隨
渡將賊人擊敗槍至科布曲山腿之下乘勢攻克

賊卡一座而各碉卡木柵內賊人放鎗滾石死力
抵禦攻至天明各處賊人均來救援併入碉卡之
內合同死守一時未能即克此次西里打仗殺賊
二百餘人射死頭目一人奪獲鎗刀矛戟甚多查
西里山梁橫亘形勢較長從達思里踰溝而上固
可直攻其碉寨而搶上安布魯木順梁而下更可
繞截西里於內仍一面在科布曲山腿乘其不備
相機攻奪以分其勢亦不難於辦理臣等現在踞

明路逕即行進兵攻勦奏入

上諭軍機大臣曰阿桂等奏進攻西里碉寨痛殲賊人
並過溝攻打科布曲山腿將軍等董率將領弁兵奮
勇出力均屬可嘉看來西里科布曲兩處為賊人緊
要險隘是以悉力堅拒今阿桂現踰路徑或從達思
里逾溝上攻或槍上安布魯木順梁繞截仍一面在
科布曲山腿相機攻奪如此多方布置賊衆自難處
處堵禦可期迅速蕨事至朕所最屢念者以甲爾日

礮橋為通科布曲要路恐賊衆伺官軍進攻後過橋
至勒烏圍滋擾所關非細已屢諭阿桂加意嚴防今
據奏甲爾日礮橋業經坍塌毀此次往攻科布曲山腿
係潛搭浮橋而過且於對岸施放鎗砲擊賊所辦甚
好甲爾日礮橋想即係攻克勒烏圍時繫巨索於橋
柱拽倒今橋雖折斷仍防賊人泅水而來額森特現
已回至勒烏圍豐昇額亦往該處督辦自可放心若
遇伊等應往他處進攻時勒烏圍一帶必須酌留大

員一人如額森特駐兵防守方為妥協又據常青等
奏由功噶爾拉進攻槍獲平卡二座此一路官兵久
未攻打今忽於此覓間進攻賊衆見之必皆驚惶支
抵自足牽綴賊勢所辦亦好但其地險峻賊人便於
踞守若官兵冒昧進攻恐難得力並恐賊計狡譎讓
官兵深入在後潛行邀截甚有關係常青等此時不
宜輕舉妄動或酌量於底木達等要處帶兵駐守以
防後路且可使賊常聞官兵聲息不敢輕動以掣其

勢若阿桂處尚需兵力或於常青處所有三千兵內酌調一二千名往彼助勦亦無不可著傳諭阿桂令其妥酌行之

同日

上諭內閣曰現今大功指日告成所有節次撥解銀兩已足敷用但平金川後一切善後事宜不無尚需經費儲備尤當寬裕著於部庫內再撥銀三百萬兩仍照上年奏准之例令經由各省督撫派員承管通行

轉解交川省藩庫存貯備用該部即遵諭行

十月戊寅明亮奏言我兵從琅谷南下直攻納木
迪官寨則賊人據住三面放鎗抵拒必須將斯底
葉安一帶先行克取以絕其西面應援之路而斯
底葉安層層高礮攀躋殊難惟北面另起石包地
名石什扎古上與琅谷相接其下隔以深溝別拖
山腿一道與額爾替相為對峙若得佔據此山順
梁而西即與斯底葉安高礮平連官兵即無煩每


層厯礪而上於攻取之勢較為利便但此一道山
梁陡削異常臣隨派奎林阿爾薩朗德赫布等帶
兵由溝內潛往槍上什扎古山腿並派和隆武珠
爾格德等帶兵伏於琅谷前敵俟奎林攻至賊碉
即奮勇夾擊十六日子刻臣督率進發將近碉卡
賊即放鎗滾石竭力迎抵我兵奮勇爭先所有山
包上石卡三座戰礪一座以次槍佔碉內之賊無
一得脫和隆武亦即乘勢進兵將琅谷以前小地

名烏岳攻得木城一座惟是已至巳午之間雖未
攻獲上面寨落然已得地勢正當趕立木城賊復
聚集多衆屢次向前衝突俱為官兵擊退殲斃甚
多連立木城四座其什扎古山包以至山腿亦安
設營盤五座將新克地方先為守禦計此次共殺
死賊人二百餘名臣伏思納木迪官寨雖未能尅
日掃除然什扎古山包現經搶奪逐段拏柵而前
使賊人步步逼近可望得手而扎烏古雖屬險阻

然一得細木迪之後則沿山路徑皆可上通自無
難設法攻取奏入

上諭軍機大臣曰明亮奏現將什扎古碉卡攻克所辦
尚好此次攻碉殺賊官兵均為奮勉而奎林和隆武
二人出力尤多頗屬可嘉現在西路將領隨將軍阿
桂屢次克捷立功建績者甚衆將來自膺茂賞而明
亮北路久未能進即此次攻得什扎古亦不過尋常
小勝不能遽邀錄敘明亮奎林和隆武各宜黜勉立

勲豈可專讓西路成功而不知奮勵但遇進攻時當
度其利害籌及萬全又不可一味輕進不知審慎勉
之望之



平定兩金川方畧卷一百二十五